

**KERATAN AKHBAR BULAN NOVEMBER 2022**  
**UTUSAN MALAYSIA**

**Utusan  
Malaysia**

**KANDUNGAN LIPUTAN HARIAN BULAN NOVEMBER 2022**

BIL.	TARIKH	TAJUK BERITA	MUKA SURAT
1.	08.11.2022	FINAS Serius Tangani Salah Guna Dana	2

8 NOVEMBER 2022 | SELASA | MUKA SURAT : 34

Utusan  
Malaysia

## Finas serius tangani salah guna dana

Oleh MOHAMMAD  
AL FAIZAL ABDUL KARIM  
faizal.karim@mediamulia.com.my

**PETALING JAYA:** Perbadanan Kemajuan Filem Nasional Malaysia (Finas) menjalankan proses penapisan lebih ketat dalam isu pemberian dana bagi menangani salah guna yang dikatakan didalangi sindiket dalam kalangan pemain industri perfilman.

Ketua Pegawai Eksekutif (CEO) Finas, Prof. Dr. Md. Nasir Ibrahim berkata, pihaknya menetapkan tiga kriteria utama dalam menentukan pemohon layak menerima dana diperuntuk.

Menurut beliau, setiap permohonan akan melalui sistem yang menapis maklumat diserahkan. Setiap maklumat itu mempunyai nilai pemarkahan yang akan menentukan kelayakan penerbit menerima dana tersebut.

"Kami akan menilai sama ada penerbit pernah menerima atau tidak dana yang dipohon. Sekiranya pernah, kami akan mendahulukan penerbit yang belum menerima bagi mengelakkan penerima sama berulang.

"Kami turut melihat sumber kewangan pemohon bagi mengelakkan mereka bergantung 100 peratus kepada dana. Ini untuk mengelakkan timbul masalah filem gagal disiapkan sekiranya penerbit tidak mempunyai sumber kewangan mencukupi."

"Penerbit juga perlu mempunyai rekod pencapaian bagus. Ketiga-tiga kriteria ini menjadi faktor yang diambil kira bagi melayakkkan mereka mendapat markah tinggi," katanya ketika berkunjung ke ibu pejabat *Utusan Malaysia* di sini, semalam.

Terdahulu, Nasir memak-



MD. Nasir Ibrahim (tiga kanan) bergambar bersama Pengarang *Utusan Malaysia* dan *Mingguan Malaysia*, Aznan Bakar (dua kanan), Pengarang *Kosmol* dan *Kosmol Ahod*, Wan Hasnan Wan Hasan (tiga kiri) dan Pengarang TMR Asuki Abas di ibu pejabat Media Mulia Petaling Jaya semalam. - UTUSAN/FAUZI BAHRUDIN

“

**Kami akan menilai sama ada penerbit pernah menerima atau tidak dana yang dipohon. Sekiranya pernah, kami akan mendahulukan penerbit yang belum menerima bagi mengelakkan penerima sama berulang.”**

MD. NASIR IBRAHIM

lumkan, Finas menerima aduan mengenai salah guna dana yang didalangi penggiat filem tempatan.

Katanya, perkara itu sudah

diserahkan kepada Suruhanjaya Pencegahan Rasuah Malaysia (SPRM) untuk siasatan.

"Saya tidak dapat mengulas panjang kerana perkara itu

masih dalam siasatan. Tetapi, semua dakwaan itu diambil serius untuk memastikan perkara sama tidak berulang," katanya.

Sehubungan itu, Nasir berkata, Finas melakukan penambahbaikan dalam proses *pitching* dengan menambah jumlah panel penilai untuk memastikan ketelusan pemberian dana.

"Sesi *pitching* ini dikendalikan 26 jawatankuasa panel di dua tempat berbeza secara serentak. Barisan panel tidak mengenali pemohon, justeru tidak timbul isu penyelewengan dalam pemberian dana tersebut," katanya.

Nasir memaklumkan, sehing-

ga kini Finas menerima 2,000 permohonan daripada syarikat produksi, namun hanya 630 yang mele过asi tahap pertama penilaian.

"Mereka seterusnya akan melalui sesi *pitching* untuk menentukan sama ada kertas cadangan mereka diterima atau sebaliknya. Permohonan mereka seterusnya akan melalui pejabat CEO untuk kenal pasti kertas cadangan mereka sama ada mengikut prosedur atau tidak.

"Ia akan disemak sebelum diserahkan kepada Jawatankuasa Pelulus. Semua permohonan ini akan melalui proses penapisan yang telus," katanya.